


Thomas Lindemann

**Programma incentivum Quo ad Sacrum Genethliacum seu Mysterium
Incarnationis Salvatoris nostri Jesu Christi, Pie, devote & solenniter celebrandum
& grata memoria recolendum, Cives Academici invitantur : [P.P. Rostochii 25.
Decembr. Anno 1628.]**

Rostochi[i]: Pedanus, 1628

<http://purl.uni-rostock.de/rosdok/ppn734599072>

Druck Freier  Zugang



RU. Progr. 1628

1) Peter Wasmundt

2)

3) Thomas Lindemann



Programma incentivum

Quo
ad

Sacrum Genethliacum

seu

Mysterium Incarnationis

Salvatoris nostri

JESU CHRISTI.

*Piè, devotè & solenniter celebrandum & gra-
ta memoria recolendum,*

Cives Academici invitantur.

Propositum

RECTORE

THOMA LINDEMANNO,

J. D. & Professore ordinario.



ROSTOCHI

Typis Joachimi Pedani Acad. Typog.

ANNO M. DC, XXVIII

THE UNIVERSITY OF ROSTOCK

1800

THE UNIVERSITY OF ROSTOCK

THE UNIVERSITY OF ROSTOCK

THE UNIVERSITY OF ROSTOCK

THE UNIVERSITY OF ROSTOCK



THE UNIVERSITY OF ROSTOCK



RECTOR
Academiae Rostochiensis
THOMAS LINDEMAN,
Juris Doct. & Professor.



CLAUDIUS Caesar Nata-
lem suum anno revoluto recurren-
tem non convivis & delicis; sed sa-
crificiis & Eucharisticis litationibus
& hostimentis sacrum & solemnem
agi lege publica iussit: Unde cum
aliquando ipso die Natali Ecclipsis
solis incidisset avertendi ominis sini-
stri causas publico Edicto deduci & proponi voluit: Natalis
hodiernus non Imperatoris, sed caeli & terrae Domini, omniumq;
Dominantium Regis, geminae substantiae Gigantis claritate
& fulgore suo ipsum Solem superans, cum Ecclipsi terribili,
meteoris bellorumq; atris & irae divinae fluminibus gravidis nu-
bibus, quas nequissima vitae humanae caecitas contraxit, offu-
scatus videatur, inauspicari exinde metuendi ominis, adeoque
solemnitatis natalitiae causas publico ut significemus program-
mate mos priscus & officij nostri ratio mihi imperant: Quod
cum conor, variae & prodigijsa magnatum plurimorum Gene-

ses mihi occurrunt, inter quas Cyri memorabilis est, cujus fu-
turam potentiam Astriages in somnio figura palmitis ex utero
filiae enascentis totam Asiam obumbrantis praevidens, eundem
ex Cambise genero nepotem natum ab Harpago exponi curavit,
sed is miraculose à Pastore servatus solium, quod DEUS ei
destinabat tandem occupavit: Alexandri Natalem auspica-
tissimum duae praepetes Aquila duorum Regnorum Asiae & Eu-
ropae praenuncia: Irem duae nunciatae patri Philippo victoriae
praesagierunt: Olympia in conceptione hujus Herois se cum
serpente ingentis magnitudinis volutatam mortalitate majus
quid parturire praedixit: Hieroni nato apes mel, Midae formi-
cae triticum in os ingesserunt: Romulum & Remum lupa lacta-
vit: Omnia haec prodigia nascentium felicitate praenunciarunt:
Mithridate nato stella pellucida tertiam caeli partem occupans
apparuit: Siculi Timoleontis Syracusanorum Ducis diem na-
talem festum quotannis ob res praecclare gestas & victorias par-
tas egerunt: Quin & Epicuri discipuli vicesimum cujusque
mensis diem solemnem egerunt, quod eo Praeceptorem suum na-
rum crederent, cujus imaginem in annulis, poculis & tricli-
niis expresserunt, ut memoriam ejusdem semper praesentem
& recentem recolerent: Et quidem prisca quid Natali cujusque
die memorabile contigisset boni ominis causa accurate notabant
& exinde divinabant, convivis se invicem oblectabant, Divi
pro salute libabant, litabant: Dion refert Natali Julij Ca-
saris solemnia sacra destinata eaque negligentes magna pecuniae
summa multatos fuisse: Nero praeter alia in Natalis sui ho-
norem ab eodem anni exordium sumi voluit: Non referam
Caroli Magni, Caroli quinti aliorumque Imperatorum ge-
neses miraculosas & auspicas. Si vero hominum Natales
tantam solemnitatem meruerint, quanto majorem festivitatem

tem.

tem hodiernus dies requiret? quem non Aquila, non somnia,
non Augures vel Auspices, sed Propheta in Spiritus Sancti
schola instructi prædixerunt, quem vivere & videre Patriar-
che & Patres nostri anxie desiderarunt, in cuius spe & fide
letari sunt, teste Esaias cap. 9. instar exultantis in messe &
victoriae spolia distribuentis: Jacobus in scala caelesti; Moses
in rubo virenti simul & ardenti; Esaias in radice Jesse hunc
diem præviderunt & in eo se oblectarunt: Hic est ille
dies quem fecit Dominus: Hodie virgo vera ex Regia prosa-
pia prognata radians, a se vili & abjecta veste induta Deum
& hominem peperit: Hodie ex creatura Creator nasci di-
gnatus est. Mater innupta ventris sui partum miratur, au-
ctoris sui auctor efficitur: Hodie verus Sciloch Moschel, ve-
rus Hermes Trismegistus, Leo de tribu Juda nascitur. Leo-
nem Tartareum vincit, ex ejusque faucibus genus humanum
erapiens idem peccatis mortuum vitam restituit: Verè hic est
admirabilis ἀψήτωρ in caelis, ἀτάτωρ in terris, DEUS de
DEO Patre homo de matre sine patre, de patre sine tempore,
de matre sine semine: Hodie mors perit, quia vita nascitur;
mendacium tollitur, quia veritas oritur; Sol novus elucescit,
novus fons scaturit: Hujus diei thema describere homines
quidam, & inter eos Petrus de Alexiaco cap. 2. de Concord,
Astr. nec non Cardanus tentarunt, sed aciem humanae mentis
ad totius caeli aspectum penitus hebescere adverterunt. Ho-
die natus Rex vagit in cunis, a se tonat in caelis, involvitur
fasciis, qui dominatur in nubibus: Teneræ hujus pueri ma-
nus orbem rotant, parvi ocelli solem illuminant, pedes exigui
Tartara calcant: Obstubescit miraculum hoc omnis creatura,
cui simile quid non vidit ulla creatura: Viderunt patres
nostri escam Angelicam de caelo stillantem, viderunt latices

ex lapide durissimo featurientes dulcissimos; viderunt cursum Jordanis subsistentem, securim natantem; Solem fixa sede manentem; imo contra naturam retrogredientem: Sed nulla aetate unquam visum vel auditum est, filium unigenitum altissimi quem trementes Angelorum suscipiunt & venerantur potestates adsumpta humana natura hominum damnatorum commodo nasci.

Sed quo magis arcana mysterij hujus scrutamur, eo id profundius imò & sublimius captuq; difficilius esse agnoscimus, idemque nobis contingit quod Simonidi, qui à Hierone DEI definitionem tradere jussus aliquoties deliberandi spacium petēs in hac verba prorupit: Quo accuratius indago eo minus invenio: quod verò rimari non licet venerari addecet: Unde & sancta Ecclesia in memoriam hujus tanti ineffabilis mysterij & beneficij festum hodiernum natalitium instirui idque sacrum agi voluit: Aperitur nobis hodie templum salutis, quod ingredientes merito Gentilium antistitum more præconia voce exclamamus: ἐν τῷ ἐπιπέδῳ τῆς Βεθλὴν. Et quod Platonem foribus scholæ suæ inscripsisse accepimus, ἐν δὲ τῷ ἀνωτέρῳ ἐπίπεδῳ, illud paulo aliter vultus templi hujus inscribimus, ἐν δὲ τῷ ἀνοήτῳ ἐπίπεδῳ. Zeno Philosophus scholâ suâ exesse voluit stupidos & hebeti ingenio præditos dicens: ἄπειρα λάβωσθε τὸν οὐρανόν. Idem summo jure de illis dici potest qui de miraculosâ Christi nativitate crasso ac humano more loquentes ejusdem negare conantur omnipotentiam. Hi à sublimi Incarnationis mysterio merito arcentur, ansas enim non habent ut Christum natum sincerâ fide possint apprehendere. Recedant ergo à limine sacro Novatiani, Samosatæni, Nestorij, Arriani, Eutichitæ, Ebronitæ aliique blasphemij; Cedant Cyclopes Cyrces poculis fascinati, qui fortes bellatores cantharo

charo existentes flore Liberi se perluunt, hirci Petulci hinc in-
de per plateas Faunorum more cursitantes & fora boaribus im-
plentes: Accedant sitientes salutem & sine precio nectar bi-
bant; Accedant esurientes & Ambrosia pascantur; Accedant
immundi & purgentur, perditii & seruentur; accurrant vin-
eti & liberentur, tristes & recreentur. Hic salutaris o-
mnium morborum panacea, hic Moly illud Homericum est
quod gustantes tuti erunt ab omnibus Diaboli veneficiis dam-
nosisque hujus mundi illecebris: Hic verum Nepenthes omnes
dispellens tristitiarum nebulas. Ecce adornatur hodie musa
verè Angelica cum Angelicis hisce cantoribus cum pastoribus
exsultantibus, accinamus & lætemur: Romanos legimus
Natalem Urbis Romæ recurrentem quotannis veluti sacer-
rimum solemniter celebrasse, eoque ipso vel cruorem effundi
vel animal ullum mactari vel prophanum ullum actum pera-
gere piaculum fuisse legimus: Hodie cum non Urbis conditæ,
sed totius orbis redempti & renati natalem agimus, quanto
magis ab omnibus ludicris abstinere, pravos affectus abjicere
novumque & regeneratum hominem induere jubemur: Roma-
ni hodie tertium Jani Templum pace universali restituta
clausurunt, id vero hætenus patulcium fuit peccatorum no-
strorum molibus apertum martiales sacerdotes emisit totum
terrarum orbem sanguine, ejulatibus & fletibus implevit.
Hinc hujus diei claritas novis meteoris Ecclipsin quandam
passa denuo perumpit, pravos halitus discutit & orbem ra-
diis suis collustrat: Prodit hodie Heros pacificus mirabilis,
caduceator verus, bellatores quiescere jubens pacem serio pre-
cantibus pollicens & hoc ipso tempore animos pacis cupi-
dos adornans & efformans, fores bifrontis Jani sub Janua-
rij advenientis felix auspiciis manu forti comprehendens & po-
centè

zenti dextera claudere satagens. Macedones legimus bel-
lum inituros Regem etiam in cunis vagientem infantem in
militiam duxisse, eoque presente felicissime pugnasse: Nos pa-
cem nunc anhelantes pacificum hunc Regem puerum nobis hu-
manitus natum, filium divinitus datum pacis tractandæ Di-
rectorem piis precibus in contriti cordis præsepi Jehova patri
exhibeamus, consurgentem & cervicibus nostris impendentem
trucis & cruenti belli nubem, quam jam fulminantem ac to-
nantem, imò magno cruoris imbre omnia fœdantem videmus,
penitentiæ flabris precumque vi depellamus ac fugemus, ut
tandem Pax & Justitia in plateis nostris obviam sibi proce-
dant & dominantur in terris: Hoc ipsum cum nemo non vo-
veat, imò Turtur & Milvius sua tempora agnoscant, nil du-
bico quin Cives Academici operas suas ad votorum nostrorum
optatos eventus promovendos ultro & sponte collaturi sint.
Secus si faxint, vindicem Dei manum adversus se concitabunt
& censuram Apostoli gravem 1. Corin. 16. vers. 22. Si quis
non amat Christum Anathema sit Maranatha, experientur.
P. P. Rostochij 25. Decembr. Anno 1628.



ris beſſiis quicquam differunt, aut dom-
vitas, ulla gens, aut etiam hominum un-
ſtare aut ipſe mundus conſiſtere poteſt.
tanta ſit legum autoritas excellentia atque
tulatur Academia noſtræ de præſtantiffi-
dono, quo eam Deus Opt. Max. veluti
eſſe voluit, & ultra ducentos annos ſibi
menter quod ſperamus & precamur imp-
bit. Ne vero quiſquam ignorantia le-
peccandi illecebram foveret, more ma-
tis Academia receptum eſt, ut ſingulis
ges Academia publicè recitentur, à
vindicentur, & ad earundem obſervantia
demici ſerio moneantur. Judæi volunt
legis divinæ mandata ſcripta ferebant
fronte: habebant in limine domus, &
quam obliſcerentur. Duodecim ta-
pueris ad edicendum proponerentur.
ges olim appellabantur, quod priusquam
neſcirent, leges noſſent & cantarent, &
traderentur. Et Tuſco Germanorum re-
carminibus eſt complexus, quæ publicè
cantarentur, ne obſivio illas obliterare
ignorantia. Quod ſi olim hoc factum e-
gis hoc conclamato & perverſiſſimo ſe-
petitio & diligens inculcatio neceſſaria
quo mobiliffima juventus diverſis pe-
fluctibus agitata, ductore fideli eget qui
rectam eam deducat, ne in vaſtiſſimo pel-
naufragium patiat. Adeſte ergo c-

